

FEIRACO SOCIEDADE COOPERATIVA GALEGA

BASES DA PROMOCIÓN

"I CERTAME INFANTIL DE ARTES PLÁSTICAS FEIRACO 2021"

1. ORGANIZADOR E OBXECTO DA PROMOCIÓN

Feiraco Lácteos, SL, (en adiante Feiraco), domiciliada en Ames (A Coruña), en Ponte Maceira-Agrón s/n, e con número de identificación fiscal B-15996929, co fin de promover o coñecemento, o uso e a divulgación do idioma galego, realizará, en colaboración coa Secretaría Xeral de Política Lingüística da Xunta de Galicia, unha promoción a través da súa web corporativa www.feiraco.gal

2. ÁMBITO TERRITORIAL E PERSOAL

O ámbito territorial da promoción comprende a Comunidade Autónoma de Galicia e a provincia de León.

Poderán participar na promoción todas aquelas persoas maiores de 18 anos, con residencia en Galicia ou na provincia de León, que cumpran os seguintes requisitos: facer constar de forma expresa a súa vontade de participar na devandita promoción con suxeición ás condicións que se indicarán seguidamente na epígrafe 6 "participación e mecánica da promoción".

3. DURACIÓN

O concurso desenvolverase do luns 3 de maio ao luns 31 de maio de 2021, ambos os dous inclusive, a través dunha aplicación específica instalada na páxina web de Feiraco: www.feiraco.gal

Por causa de forza maior, causa extraordinaria xustificada e razoable ou por imperativos legais, Feiraco poderá decidir, en calquera momento, a interrupción e/ou finalización anticipada desta promoción, sen que os participantes poidan efectuar ningunha reclamación.

4. CARÁCTER GRATUÍTO DA PROMOCIÓN

A promoción é gratuíta e non implica en si mesma ningún pagamento adicional pola obtención dos premios. Os custos das chamadas, mensaxes telefónicas, correo electrónico, fax ou calquera outra comunicación que deban realizar as persoas participantes que se detallan no apartado de mecánica da promoción serán á súa conta.

5. PREMIO DA PROMOCIÓN

Na presente convocatoria outorgaranse 2 premios:

Premio categoría infantil. O gañador / gañadora recibirá un carricoche de madeira feito a medida e personalizado con figura de vaca e imaxe de Feiraco, realizado polos artesáns galegos de produtos en madeira, propietarios da empresa WOOW JUGUETES Y DECO; e un lote de libros de literatura infantil e xuvenil cedido pola Secretaría Xeral de Política Lingüística. Valor total do premio: 481 euros.

Premio categoría primaria. O gañador / gañadora recibirá un pack de xogos tradicionais en madeira feitos a medida e personalizados coa imaxe de Feiraco composto por un xogo de “3 en Raia”, un xogo de “4 en li”a” e un xogo “Fóra Abaixo”, todos realizados polos artesáns galegos de produtos en madeira, propietarios da empresa WOOW JUGUETES Y DECO; e un lote de libros de literatura infantil e xuvenil cedido pola Secretaría Xeral de Política Lingüística. Valor total do premio: 316 euros.

6. FORMA DE PARTICIPACIÓN E MECÁNICA DA PROMOCIÓN

Establecemos 2 categorías de participación:

- Infantil: para nenos/as de entre 3 e 6 anos.
- Primaria: para nenos/as de entre 6 e 12 anos.

Poderán participar no concurso todas aquelas persoas maiores de 18 anos, con residencia en Galicia e León que cumpran os requisitos seguintes:

1. Ser fan de Feiraco na rede social Facebook ou Instagram
2. Ser pai, nai ou titor legal dos/a nenos/ as de entre 3 e 12 anos cuxos traballos presente á presente convocatoria
3. Rexistrarse na aplicación do concurso cubrindo os datos solicitados (nome, apelidos, email, teléfono e cidade) e subir un traballo infantil, escaneado ou fotografado, que cumpra a temática: “LEITE CON LETRAS”. As obras deben estar elaboradas por nenos de infantil e primaria, con idades comprendidas entre os 3 e os 12 anos
4. O traballo pode ir asinado co nome do seu autor/a e a súa idade, aínda que non é imprescindible.
5. Admitirase que un mesmo usuario participe ata con 3 obras diferentes.
6. Os participantes teñen a liberdade para empregar a manifestación artística que desexen: manualidade, pintura ou debuxo (lapis, ceras, témperas, acuarela, técnica “colaxe”, etc), obra gráfica, escultura, técnica combinada...
7. É imprescindible que os pais ou tutores legais autoricen a participación do menor, aceptando as bases para outogar a súa conformidade ao exposto nas mesmas.
8. Un xurado designado por Feiraco e a Secretaría Xeral de Política Lingüística escollerá as 2 obras gañadoras (unha de cada categoría) entre todas as participacións subidas. Non se valorará tanto a utilización dunha ou outra técnica, senón a adecuación á temática e a orixinalidade da obra, así como a calidade da obra en si mesma, tendo sempre presente a idade do seu autor.

O prazo límite de presentación de obras será o 31 de maio de 2021.

Feiraco resérvase o dereito para efectuar cambios na promoción durante o seu desenvolvemento, se se producise algunha causa que impida levala a bo termo ou co fin de mellorar o seu avance. Se isto se producise, publicará ditas modificacións a través desta rede social, e todos os participantes se someten expresamente ás mesmas.

7. ENTREGA DO PREMIO

Unha vez pechado o prazo de participación, un xurado designado por Feiraco e a Secretaría Xeral de Política Lingüística elixirá 2 gañadores/as, un para a categoría de infantil e outro para a categoría de Primaria. Terase en conta a adecuación á temática proposta, a orixinalidade da obra e a súa calidade, sempre en relación coa idade do seu autor ou autora.

A comunicación dos gañadores/as realizarase o venres 18 de xuño de 2021 a través da web e as redes sociais de Feiraco e será inapelable.

Con posterioridade á comunicación en redes sociais dos gañadores, Feiraco contactará co pai, nai ou titor legal dos nenos/as cuxas obras resultasen gañadoras a través do teléfono ou do mail que facilitaron á hora de inscribirse. Deberán facilitar a Feiraco nome, apelidos, teléfono, DNI e dirección completa para a remisión do premio.

En ningún caso poderá substituírse o premio polo seu valor económico, nin poderá cederse a outra persoa distinta do gañador.

Feiraco resérvase o dereito de que o premio quede deserto, no caso de que nin os participantes agraciados nin ningún dos suplentes cumpran os requisitos citados nestas bases.

Feiraco queda eximido de calquera responsabilidade en caso de existir algún erro nos datos facilitados polos participantes.

Os premios remitiranse por mensaxería.

8. CONDICIÓN E RESERVAS:

A comunicación dos datos persoais por parte dos participantes a través da aplicación específica do concurso ou por mensaxe privada ao perfil de Facebook de fans oficial de Feiraco é requisito obrigatorio para que os gañadores poidan recibir o premio obtido como participantes lexitimamente admitidos ao concurso, así como a súa maioría de idade. De resultar agraciada algunha persoa que non cumpra estes requisitos, a súa participación resultará automaticamente excluída e o premio outorgaráselle ao/á inmediato/a suplente.

Feiraco descartará aquelas participacións que sexan abusivas ou fraudulentas e non se fai responsable da veracidade dos datos facilitados polos participantes. Este concurso organízase coa pretensión de incentivar e fomentar a participación de todos os consumidores, e premiar a fidelidade en condicións de igualdade e con estricto respecto ao principio xeral da boa fe. Por ese motivo, Feiraco excluírá automática e inmediatamente del a calquera participante que transgrida as normas da boa fe, observe unha conduta mendaz ou inadecuada, empregue medios fraudulentos ou incumpra estas bases en calquera dos seus extremos, en caso de que as irregularidades, ou calquera outras, se detecten con posterioridade á entrega efectiva dalgún dos premios, Feiraco resérvase o dereito de exercitar as accións legais pertinentes contra o seu autor ou responsable, entre outras, as tendentes á devolución dos premios.

Os premios da promoción non se poderán substituír por outros a petición do gañador, nin poderán ser cambiados polo seu valor en metálico. Feiraco resérvase, en calquera caso, o dereito a mudar os elementos da promoción por outros de igual ou superior valor cando concorra xusta causa ou de forza maior, e ademais, tamén, se reserva o dereito a anular, suspender ou modificar a promoción

se por causas técnicas ou de calquera outra índole allea á vontade desta, esta non puidese cumprir co normal desenvolvemento da promoción, segundo o estipulado nas presentes bases.

Para o non previsto nestas bases, que se interpretarán en conxunto, reixerá a normativa legal disposta que sexa de aplicación. Os baleiros ou dúbidas integraranse conforme á boa fe, aos usos comerciais e técnicos que resulten axeitados, e aos principios xerais do Dereito.

9. TRATAMENTO DE DATOS PERSOAIS

Os datos de carácter persoal que faciliten as persoas participantes neste concurso serán tratados dando estrito cumprimento ao establecido na Ley Orgánica 3/2018, de 5 de diciembre, de Protección de Datos Personales y garantía de los derechos digitales, e no Real Decreto 1720/2007, do 21 de Decembro, polo que se aproba o Regulamento de desenvolvemento dela así como co Reglamento General Europeo de Protección de Datos.

A persoa participante coñece e consente inequívocamente que os seus datos persoais sexan tratados por FEIRACO LÁCTEOS, con domicilio en Ponte Maceira-Agron s/n, e con número de identificación fiscal B-15996929, quen os usará e tratará sen que xere ningún tipo de remuneración, conforme ao previsto na lexislación vixente en materia de protección de datos de carácter persoal, coa finalidade de realizar cantas xestións sexan necesarias para o desenvolvemento do concurso.

Non obstante, este dereito poderá ser revogado no momento en que o participante estime oportuno. FEIRACO LÁCTEOS garante os seus dereitos de acceso, cancelación, oposición e rectificación, limitación do tratamento e portabilidade. Para exercer estes, o participante terá que dirixirse a Ponte Maceira-Agron s/n, Ames (A

Coruña), identificándose de forma fidedigna, para verificar a súa identidade e non poñer en risco a súa privacidade e confidencialidade; ou ben a comite.privacidad@clun.es.

En calquera caso, o tratamento da información facilitada como participante restrínxese á finalidade de participar neste concurso suxeito as presentes bases.

Os datos serán tratados durante a sustanciación do concurso e, unha vez finalizado este, serán gardados para a eventual tramitación de reclamacións ou queixas, relacionadas co desenvolvemento do mesmo, ou, en último término, ata que o participante exerza o seu dereito de cancelación en consonancia coa facultación para acceder aos seus datos persoais, rectificar os datos inexactos ou solicitar a súa supresión cando os datos xa non sexan necesarios. Os datos no se cederán a terceiros salvo nos casos en que exista unha obriga legal.

Vostede ten en todo caso dereito a obter confirmación sobre se estamos tratando os seus datos persoais, polo tanto mantense inalterable o seu dereito de acceso, cancelación, rectificación ou oposición.

10. PROPIEDAD INDUSTRIAL E INTELECTUAL

A persoa participante declara e garante que o/a menor do que é titor/a é o autor/a ou dispoñe ao seu favor dos dereitos de propiedade industrial e intelectual sobre a obra que comparte no concurso.

A persoa participante, ou quen a represente legalmente nos casos en que proceda, autoriza a Feiraco á publicación da obra na páxina de Facebook/Instagram, na páxina web corporativa de Feiraco, no blog corporativo de Feiraco ou por calquera outro medio que decida Feiraco Lácteos sen que poida opoñerse en ningún termo nin poida reclamar beneficio de calquera tipo por tal feito.

No caso de que Feiraco decida imprimir pola súa conta, ou en colaboración con calquera organismo ou editorial, unha obra recopilatoria de todos ou algunhas das obras, o autor rexeita e cede

a Feiraco calquera tipo de dereito ou beneficio sobre tal obra. Neste caso, Feiraco simplemente nomeará a cada un dos autores que inclúe nesta.

Feiraco non se responsabiliza do contido da obra enviada nin dos comentarios aparecidos nela polas persoas autoras ou usuarias.

11. ACEPTACIÓN DAS BASES

A remisión da solicitude de participación na promoción implica a aceptación da totalidade das presentes bases polas persoas interesadas.

12. LITIXIOS

A lexislación aplicable ás presentes bases é a española. Os participantes, con renuncia expresa de calquera outro foro que puidese corresponderlles, sométense á xurisdición dos xulgados e tribunais de Santiago de Compostela. Para os efectos de calquera notificación ou requirimento que resulte necesario efectuar por calquera causa relacionada ou derivada deste sorteo, entenderase designado como domicilio destes os que aparezan reflectidos na comunicación da participación nesta promoción.